



COMUNE DE S'ULUMEDU

Provìntzia de Tàtari

Setore: **ÀREA VIGILÀNTZIA**

Servìtziu: **Polìtzia locale**

Responsàbile: **Strada Edvige**

Ordinàntzias n. **10** de su **27.03.2025**

Ogetu: **Modìfica temporànea de sa tzirculatzione: Serrada temporànea de Pratzza N. Signora de Tàlia, tretu cumpresu tra Carrera Sassari e Carrera Mazzini.**

SA RESPONSÀBILE DE SU SERVÌTZIU

CUNSIDERADU chi pro sos traballos pro pònner sa fibra òtica, est istadu cumpromissu su pamentu istradale in basaltu in Pratzza Nostra Signora de Tàlia, tretu cumpresu tra Carrera Sassari e Carrera Mazzini;

ISTABILIDU chi pro lu torrare che prima a règula de arte, at a bisongiare de serrare a su tràficu pro 48 oras, su tretu subra mentovadu in sas dies de gioja 27 e chenàbura 28 de martzu 2025, cun abertura noa regolare lunis su 31 de martzu 2025;

APRETZIADU de dèvere a manera cumbeniente disciplinare su tràficu de sas màchinas, pro evitare intasamentu o perìgulu pro chie andat a pè, in s'àrea urbana interessada pro su tempus netzessàriu a sa bona resèssida de sos traballos, e a manera particolare istituire:

Sa proibidura de passàgiu e de firmada dae sas oras 14:00 de gioja 27 de martzu 2025 finas a sas oras 08:00 de lunis 31 de martzu 2025 in:

Pratzza Nostra Signora de Tàlia tretu cumpresu tra Carrera Sassari e Carrera Mazzini.

BIDOS sos Decretos Sindagales:

- n. 3 de su 31 de Austu 2023, cun su cale sunt istados nominados sos responsàbiles de sos servìtzios dae su 1 de cabudanni 2023 a su 30 de làmpadas 2025;

- n. 11 de su 15 de Santugaine 2024, cun su cale est istadu nominadu, dae su 16 de santugaine 2024 a su 30 de làmpadas 2025, su responsàbile de sos servìtzios sòtzio-culturales;

BIDOS sos art. 5, 6, 7 e 159 de su D.Lgs 30 de Aprile 1992, n° 285 e puru sas mm.ii.ii.;

BIDU su D.P.R. 16 de Nadale 1992, n° 495 e puru sas mm.ii.ii.;

ÒRDINAT

Pro sos motivos esprimidos in premissa e inoghe torrados a cramare de su totu, pro garantire s'acumprimentu curretu de sos traballos "pamentadura istradale in basaltu" in Pratzza Nostra Signora de Tàlia, tretu cumpresu trs Carrera Sassari e Carrera Mazzini dae sas oras 14:00 de gioja 27 de martzu 2025 finas a sas oras 08:00 de lunis 31 de martzu 2025, su tràficu de sas màchinas at a àere sas modìficas sighentes:

Sa proibidura de passàgiu e de firmada dae sas oras 14:00 de gioja 27 de martzu finas a sas oras 08:00 de lunis 31 de martzu 2025 in:

Pratza Nostra Signora de Tàlia tretu cumpresu tra Carrera Sassari e Carrera Mazzini.

S'impresa chi faghet sos traballos Officina Edile, pro mèdiu de su personale cumpetente, at a tènnere contivìgiu de fàghere nòdida s'Ordinàntzia presente pro mèdiu de s'aposizione de sa signalètica prescrita.

AVERTET

Est fatu òbligu de respetare s'Ordinàntzia presente, chie si siat violet sas dispositziones cuntènnidas at a èssere santzionadu segundu cantu prevididu dae su Còdighe de s'Istrada in vigèntzia.

Contra a s'ordinàntzia presente est ammitidu ricursu, in bia giurisditzionale, a su Tribunale Amministrativu Regionale de sa Sardigna cun sede in Casteddu intro de 60 (sessanta) dies o, in bia alternativa, a su Presidente de sa Repùblica intro de 120 dies, l'ìmites custos chi decurrent dae sa publicatzione de su provedimentu presente in sas formas de lege.

Sa Responsàbile de su Servìtziu
Dot.ra Edvige Strada

Tradutzione de s'operadora de s'isportellu linguìsticu de S'Ulumedu
Maria Leonarda Correddu

Atividade realizada cun su contributu de sa L. 482/99 e L.R. 22/18.